

FANONGONONGO KI HE NGAahi MĀTU‘Á PEA MO E KAU TAUHI FĀNAÚ

Fanongonongo ki he ngaahi mātu‘a pea mo e kau tauhi fānau ‘i Melipoane (Metropolitan Melbourne) pea mo e vāhenga Mitchell Shire

Si‘i ngaahi mātu‘a mo e kau tauhi fānau,

Mahalo pe kuo mou ‘osi lave‘i, kuo fakahoko ‘e he Pule‘anga Vikatōlia ha ngaahi fanongonongo mahu‘inga fekau‘aki pea mo e ngaahi fokotu‘utu‘u ma‘a e ngaahi ako ‘i Vikatōlia ki he Teemi 3.

Fakatatau ki ha fale‘i mei he ‘Ofisa Mo‘ui Pule ‘a e Pule‘anga Vikatōlia, ko e ngaahi ‘apiako ‘i he kolo lahi ko Melipoané (Metropolitan Melbourne) pea mo e vāhenga Mitchell Shire ‘e ‘i ai ha ngaahi fokotu‘utu‘u ‘oku tāfataha pe kiate kinautolu ki he Uike 1 ‘o e Teemi 3 ‘o hangē ko ia ‘oku hā atu ‘i laló. ‘E hoko atu e ngaahi ‘apiakó ki he ako mei ‘apí ‘o ngāue‘aki e ngaahi founa ako he komipiutá mo e ‘initaneti ma‘a e fānau ako ‘i he kalasi Prep ki he Year 10 ‘o kamata he Uike hono 2.

‘Oku mātu‘aki mahu‘inga ke fakatokanga‘i ange ko e fale‘i mei he ‘Ofisa Mo‘ui Pule ‘a Vikatōlia ‘oku lava pē ke hoko atu e faifatongia ‘a e ngaahi ‘apiakó. Kuo ‘osi ma‘u foki mei he ‘Ofisa Mo‘ui Pule ‘a Vikatōlia ha fale‘i kau ki he ngaahi founa mo‘ui lelei fakaesino ‘oku totonu ke fakahoko ‘e he kau ngāue pea mo e fānau akó, pea temau muimui pē ki he ngaahi founa ko ení.

Ko e taumu‘a hono fai e liliu ki he ngaahi fokotu‘utu‘u ko ení ko hono holoki e tokolahi e fānau ako ko ení – mo ‘enau ngaahi mātu‘á mo ‘enau kau tauhi – ‘i he ‘enau fefononga‘aki holo ‘i loto Metropolitan Melbourne pea mo e Mitchell Shire kae lava ‘o fakasi‘isi‘i e mafola ‘a e kolonavailasi (COVID-19).

Ka neongo ia, ‘oku mahu‘inga foki ke kei lava pē ke hoko atu e ako ‘i ‘apiakó ma‘a ha ni‘ihi e fānau akó. ‘Oku kau heni ‘a e fānau ako ‘i he ngaahi kalasi Year 11 mo e Year 12 (pea mo kinautolu ‘i he Year 10 ‘oku ‘i ai ha‘anau ngaahi lēsoni VCE pē ko e VCAL ‘i he ‘enau polokalama akó) koe‘uhí ‘oku mahu‘inga hono fakaivia e fānau ako ko ení ke hoko atu ‘enau akó pē ko ha‘anau fakakakato ‘enau tohi fakamo‘oni ako ma‘olungá, ‘i he VCE pē VCAL.

‘Oku mahu‘inga foki ki he fānau ako ‘i he ngaahi ‘apiako makehé (specialist schools) ke nau kei lava pē ‘o ma‘u faingamālie kakato ki he taukei mo poto‘i ngāue ‘a e kau faiakó pea mo e tokoni ‘a e kau ngāue ‘i he ngaahi ‘apiako makehe ni ‘aki ha‘anau ako femataaki ‘i ‘apiako. ‘Oku toe fiema‘u foki ke pou pou‘i mo e ngaahi fāmili ko ia ‘oku ‘ikai lava ‘e ngaahi mātu‘á mo e kau tauhi fānau ‘o ngāue mei ‘apí, pea mo e ni‘ihi ‘oku fiema‘u ha tokoni ‘a ia ‘oku faingamālie ke ma‘u ‘i he ako ‘i ‘apiakó.

‘E hanga ‘e he ‘etau ‘apiakó fakataha mo e kotoa e ngaahi ‘apiako ‘a e pule‘angá ‘i Metropolitan Melbourne pea mo e Mitchell Shire, ‘o fakahoko ha fua mofi e kotoa e fānau akó ‘i he kamata e ‘aho akó. Kapau ‘e māmāfana/mofi ho‘o tamá, ‘e kole atu ke ke lava ange ki ‘apiako ‘o ‘ave ki ‘api.

Ko e ngaahi fokotu‘utu‘u fo‘ou eni ‘oku hā atu ‘i laló.

Mōnite 13 – Falaite 17 Siulai

Ko e fānau ako he kalasi Year 11 mo e Year 12, pea mo e fānau ako 'i he Year 10 'oku nau fai ha ngaahi lēsoni VCE pe VCAL, pea mo e fānau 'oku nau ako 'i ha ngaahi 'apiako makehe, te nau foki ki he akó 'i he 'aho Mōnite 13 'o Siulai.

Mōnite 13 – Falaite 17 Siulai ko e uike 'atā ia ki he fānau ako he kalasi Prep ki he Year 10. Ko e ngaahi 'aho 'atā ko eni 'oku lava ai e kau faiakó 'o teuteu ki he liliu ko ia ki he ako mei 'apí 'o kamata mei he 'aho Monite 20 'o Siulaí.

Te mau fakahoko foki ha polokalama 'i 'apiako ke tokanga'i e fānau ako 'oku nau fiema'u eni he lolotonga 'o e uiké. Ko e polokalama ko eni 'oku 'atā ia ki he fānau ako 'oku 'ikai lava 'enau ngaahi mātu'a/kau tauhi fānau 'o ngāue mei 'api pea 'ikai lava 'o toe ma'u ha ngaahi founga kehe pea kau atu ki ai mo e fānau ako 'oku tu'u laveangofuá.

Ke tokoni ki he 'emau palaní, kapau 'oku ke fiema'u e polokalama ko eni, kātaki 'o fetu'utaki ki he 'apiakó.

Ko e ngaahi fokotu'utu'u ko eni e fakahoko ia ki he kātoa e ngaahi 'apiako 'i Metropolitan Melbourne pea mo e Mitchell Shire.

Mōnite 20 'o Siulai 'o fai atu

Mei he 'aho Mōnite 20 'o Siulai, ko 'etau 'apiakó 'e hiki ia 'o ako mei 'api 'o ngāue'aki e komipiutá mo e initanetí. 'E kau heni e kātoa e fānau akó tukukehe pē 'a kinautolu ko eni:

- fānau ako 'i he Kalasi Year 11 mo e Year 12 pea mo e Year 10 'a ia 'oku nau fai ha ngaahi lēsoni 'i he polokalama VCE pē VCAL
- fānau ako 'oku ako 'i he ngaahi 'apiako makehé

Ko e fānau ako 'oku hā atu 'i laló 'e lava ke fai hano tokanga'i kinautolu 'i 'apiako 'o nau ako mei ai, kā te nau ako'aki pē e founga ako 'i 'apí 'a ia ko e ngāue'aki e komipiutá mo e 'initanetí:

- fānau 'a kinautolu ngaahi mātu'a/tauhi fānau 'oku 'ikai ke nau lava 'o 'alea'i ke tokanga'i 'enau fānau 'i 'api, 'o kau ai mo e fānau 'a e ngaahi mātu'a 'oku nau fakakaungatāmaki ko e kau faiako 'i ha ngaahi 'apiako 'a e pule'angá pea fiema'u e mātu'a ia ko eni ke nau foki 'o ngāue mei honau 'apiakó
- fānau ako 'oku nau tu'u laveangofuá
- fānau ako 'oku 'i ai ha'anau ngaahi faingata'a'ia fakaesino pea nau fili pē ke nau ako mei 'apiako.

Te mau muimui pē he ngaahi fokotu'utu'u tatau mo ia na'a mau fakahoko 'aki e ako mei 'apí 'i he Teemi hono 2.

'Oku lahi mo ha ngaahi founga kehe 'a e Potungāue ke mou ngāue'aki ke lava hokohoko atu hono poupu'i e ako ho'omou fānau, 'a ia 'oku ma'u atu mei he uepisaiti ko e *Ako mei 'Apí (Learning from Home)* 'i he education.vic.gov.au/homelearning.

Ko e fakamatala fakamuimuitaha kau ki he kolonavailasi (COVID-19) pea mo e ngaahi 'apiakó 'oku 'i he uepisaiti 'a e Potungāue Ako mo Ako Ngāué (Department of Education and Training) ko e: education.vic.gov.au/coronavirus

Kuo fakapapau'i mai 'e he 'Ofisa Mo'ui Pule 'a Vikatōlia kau ki hono ngāue'aki e me'a malu'i pe 'ufi'ufi ki he matá 'e he kakai lalahí pe fānaú 'oku 'ikai ke fokotu'u mai ia ke fai 'i he ngaahi 'apiakó 'i he taimi ni. Kae hangē pe ko ia 'oku tau sio ki aí, ko e fānau ako 'oku nau loto ke tui ha me'a malu'i 'i 'apiako pea 'i he taimi 'o 'enau fononga ki 'apiako/mei 'apiako 'oku 'atā pē ia.

Pea ko e faka'osí, ko e fakamanatu atu pē kapau 'oku ke ongo'i puke pe ongo'i puke ho'o fānaú pe ko ha taha ho fāmilí pea 'oku nau ma'u e ngaahi faka'ilonga 'o e mahakí 'a ia ko e mofi, fakamomoko pe tauta'a, tale, mamahi e mongá, nounou e mānavá, mole e ifó pea mo e nanamú, 'oku totonu ke mou 'alu 'o sivi 'i he taha e ngaaahi feitu'u sivi kolonavailasi (COVID-19) pea nofo 'i 'api.

'Oku mātu'aki mahu'inga eni ke tauhi e malu mo hao hotau 'apiakó mo hotau komiunití.

Kapau 'oku ke fiema'u ha ngaahi fakamatala ki he mo'ui lelei mei he Potungāue Mo'ui mo Sēvesi ki he Mo'ui (Department of Health and Human Services), 'e lava ke ke vakai ki he uepisaiti dhs.vic.gov.au/coronavirus